



DEO OPTIMO MAX.
UNI ET TRINO,

VIRGINI DEIPARÆ, ET S. LUCÆ
Orthodoxorum Medicorum Patrono.

QUÆSTIO MEDICO-CHIRURGICA,

QUOD LIBETARIIS DISPUTATIONIBUS
manè discutienda, in Scholis Medicorum, die Jovis sextâ
Martii M. DCC. XXXII.

M. JACOBO FOURNEAU,
DOCTORE MEDICO, PRÆSIDE.

An noxia Vulneribus Turundæ?

I.

UT vita Hominis ab Arte & Natura dependet,
sic ab utrâque conservatur: Cujusque suæ sunt
munia separata vel mixta. Interdum Natura ex
se sola medicatrix, sæpiùs egena, ni juvetur ab
Arte. In multis siquidem Natura ei quod nobis emolumento



esse queat contrarium molitur ac perficit, quoniam ipsa solo instinctu regitur; Ars verò rerum ducitur cognitione ac intelligentiâ: Ideoque Medicina plurima præstat supra vires & potestatem Naturæ in morborum curatione, ope Chirurgiæ, plus manu proficientis quàm medicamento.

I I.

EST autem Chirurgia antiquissima Medicinæ ministra, atque consistit in duobus, instauratione & detractiōe. Ad instaurationem pertinet deligatio, spleniorum & fulcimentorum usus, futura & fibularum impositio. Ad detractiōem refertur tractio, propulsio, avulsio, divulsio, solutio etiam continui quæ fit in parte durâ, vel molli, vel utrâque. In molli sectio, punctio; in durâ ferratio, limatio, rasio & perforatio; in utrâque ustio & excisio. Hujus Chirurgiæ apprimè peritum decet esse Medicum, operationem ministris relinquere, qui magisterio Medici dirigantur. Chirurgus verò sit juvenis, Castra sequatur & Nosocomia frequentet, ut Vulnerum discrimina cognoscat.

III.

QUAMVIS enim Vulnerum curandorum indicationes sint consimiles, unionis solutionem refarcire, sublatâ inflammatione per venæ sectionem & refrigerantia, saniei deterfione & Carnis reparatione per exsiccantia & detergentia. Attamen pro variâ partis naturâ, & rei lædenti qualitate aliter tractantur Vulnera. Si Capiti Vulnus inflictum,

etiam leve non negligendum, cui medetur sanguinis detractio, liberalior si fuerit os læsum, quod Trepano excindetur. Pectoris Vulnera penetrantia, etiam perfossis Pulmonibus, non semper lethalia, uberiore & repetitâ sanguinis detractioe sanantur: Proinde in magnis Vulneribus corpus inediâ macerabis & exangue reddes. Ratione rei lædentis, siue contundentis, siue venenatæ aliter percurantur Vulnera, qualia sunt à sclopetis. Sed omnia rarò solvenda atque medicanda, & nisi profundè sinuosa sint aut complicata, non adhibeantur Turundæ.

I V.

EX multiplici Lineamentorum genere quod in tractandis Vulneribus usurpatur, aliud est externum, quod Plumaceolus vulgò dicitur, aliud internum, Turunda dictum. De postremo tantum inquiritur, cujus apud veteres plurimæ sunt differentiæ, quibus indita sunt nomina à formis & figuris quibus effinguntur, vel à materiâ ex quâ constantur, cujus modi sunt Linteum, Ellychnium, aut Super, Spongia, radix Gentianæ, Argentum, Plumbum, Stannum, ex quibus efformantur canaliculi, ad implendas Turundarum vices.

V.

INDUNTUR Vulneribus Turundæ ut aperiant & dilatent ad egressum puris, vel alieni corporis extractionem. Sed quantum officiunt curationi vulnere indeliquet, quòd vulnera, si recentia, sunt dolorifica, idèque non irritanda metu fluxionis Turundarum intrusione, quas Natura Vulnerum medicatrix nititur semper excutere; si

vetusta, non egent Turundis, quæ coalitum impediunt
conservantque ulcera. Deinde Puris continuum effluvium
sistunt, cujus morâ & putredine magis effodiuntur & ex-
cavantur ulcera, atque ferina fiunt.

Ergo noxiæ sunt Vulneribus Turundæ.

DOMINI DOCTORES DISPUTATURI.

M. Antonius Casamajor.

*M. Petrus-Ludovicus Le Hoc,
Consiliarius Medicus Regis
ordinarius in ejus castellero.*

*M. Joannes-Baptista Mongin,
Chirurgiæ Gallicæ Professor,
& Medicus Regis ordinarius.*

M. Raymundus de la Rivière.

*M. Antonius-Nicolaus Gue-
nauld.*

*M. Joannes-Claudius-Adrianus
Helveticus, Regi à sanctiori-
bus Consiliis, Medicus Regis
perpetuo ordinarius, & Regi-
Primarius, Regiæ Scien-
tiarum Academiæ.*

*M. Franciscus-Josephus Hu-
nauld, Regiæ Scientiarum
Academiæ, & in horro Re-
gio Anatomiciæ & Chirurgiæ
Professor.*

M. Antonius-Petrus Lepy.

*M. Claudius du Cers, Rei Her-
bariæ Professor.*

Proponebat Parisiis OTTO-CASIMIRUS BARFEKNECHT,
Coessino-Pomeranus, Baccalaureus Medicus,
A. R. S. H. 1732. à sextâ ad meridiem.